



Pravobranilaštvo Bosne i Hercegovine
Правобранилаштво Босне и Херцеговине
Pravobraniteljstvo Bosne i Hercegovine

Office of the Attorney General of Bosnia and Herzegovina

Broj: 01-10-PBiH-42/13
 Sarajevo; 26.02.2013. godine,

PRIMLJENO:			
Organizaciona jedinica	Klasifikaciona oznaka	Redni broj	Broj priloga
		27.02.2013	
01-50-1-15-41/13			

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
ZASTUPNIČKI DOM/ PREDSTAVNIČKI DOM

Veza Vaš akt broj: 01/a-50-1-15-41/13 od 04.02.2013 godine

PREDMET: Odgovor na poslaničko pitanje

Poštovani,

Na postavljeno zastupničko pitanje koje je postavio zastupnik Beriz Belkić na 41. sjednici Predstavničkog doma Parlamentarne skupštine Bosne i Hercegovine, održane dana 31. januara 2013. godine, slijedeće sadržine:

„Zašto ni nakon presude Ustavnog suda BIH o statusu državne imovine koja vam je poznata, a koja nedvosmisleno utvrđuje vlasništvo državne imovine u korist države Bosne i Hercegovine, opstruirate nastavak knjiženja na Ministarstvo odbrane perspektivne nepokretne državne imovine na 63 lokacije utvrđene od strane Predsjedništva BIH?“, dajemo slijedeći :

ODGOVOR

Ustavni sud Bosne i Hercegovine u predmetu broj: U 1/11 za ocjenu ustavnosti Zakona o statusu državne imovine koja se nalazi na teritoriji Republike Srpske i pod zabranom je raspolanja na sjednici održanoj dana 13. jula 2012. godine, donio je Odluku kojom se :

- Utvrđuje da Republika Srpska nema ustavnu nadležnost za regulisanje pravne materije koja je predmet Zakona o statusu državne imovine koja se nalazi na teritoriji Republike Srpske i pod zabranom je raspolaganja jer je to, u skladu s članom I/1, članom III.B i članom IV/4 e. Ustava Bosne i Hercegovine, nadležnost Bosne i Hercegovine.

- Odlukom se stavlja van snage Zakon o statusu državne imovine koja se nalazi na teritoriji Republike Srpske i pod zabranom je raspolaganja (Sl.glasnik RS broj 135/10)

- Odlukom, citirani zakon prestaje važiti narednog dana od dana objavljivanja ove odluke u Službenom glasniku Bosne i Hercegovine (objavljena u Sl.glasnik BIH broj.73/12 od 18.09.2012 godine). Odluka je konačna i obavezujuća.



Pravobranilaštvo Bosne i Hercegovine
Правобранилаштво Босне и Херцеговине
Pravobraniteljstvo Bosne i Hercegovine

Office of the Attorney General of Bosnia and Herzegovina

Nije ni pravno, a ni faktički sporna činjenica da je titular državne imovine Bosna i Hercegovina, kao država, i da ona ima isključivo pravo raspolaganja istom.

Pomenuto pravo proizilazi, ne samo iz odluke Ustavnog suda, nego i iz člana IV/4e Ustava BiH. Naime, uzimajući prvenstveno da država BiH ima pravo da reguliše državnu imovinu, odnosno da je titular državne imovine, a da odredbe člana IV/4 e Ustava BiH propisuju nadležnost Parlamentarne skupštine u ostalim pitanjima koja su potrebna za provođenje dužnosti države, a da državna imovina reflektuje državnost, suverenitet, i teritorijalni integritet BiH, daje pravo da Parlamentarna skupština reguliše pitanje državne imovine). Ustavni sud ukazuje da postoji istinska nužnost, a i pozitivna obaveza da Bosna i Hercegovina ovo pitanje riješi što je prije moguće.

Odluka Ustavnog suda nije osnov za uknjižbu državne imovine, iz naprijed navedenih razloga. Neophodno je donijeti Zakon o državnoj imovini koji bi bio osnov za postupanje Pravobranilaštva Bosne i Hercegovine.

Prema tome, potrebno je da se inicira na Parlamentarnoj skupštini donošenje zakona, odnosno propisa kojim bi se regulisala sva pitanja vezana za državnu imovinu i raspodjelu državne imovine, pa nakon sticanja uslova za uknjižbu, Pravobranilaštvo BiH će pristupiti pomenutoj radnji.

Pored toga, Pravobranilaštvo Bosne i Hercegovine je preduzelo sve zakonske mjere u cilju zaštite državne imovine Bosne i Hercegovine, ali ne raspolaže podacima na osnovu kojih može izvršiti uknjižbu vojne perspektivne nepokretne imovine. Sve dok se ne utvrdi tačan broj tih lokacija, odnosno ne izvrši indentifikacija nepokretne vojne imovine i ne dostavi Pravobranilaštvu Bosne i Hercegovine imovinskopravna dokumentacija potrebna za uknjiženje, Pravobranilaštvo Bosne i Hercegovine je u nemogućnosti da preduzme bilo kakve radnje u cilju uknjižavanja pomenute imovine.

Na osnovu izloženog da se zaključiti da ne postoji opstrukcija od strane Pravobranilaštva Bosne i Hercegovine za uknjižbu državne imovine. Kad se steknu uslovi za uknjižbu, Pravobranilaštvo Bosne i Hercegovine će uknjižbi dati prioritet u odnosu na druge zadatke.

S poštovanjem,



**PRAVOBRANILAC
BOSNE I HERCEGOVINE**

Prof. dr. Mladen Mandić